



Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 28/04/2021

**Här President,**

**Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministère fir Cultes & Héichschoul a Fuerschung weiderzeleeden.**

Nach ëmmer gi Mënsche weltwäit wéinst hirer sexueller Orientéierung diskriminéiert. An och wann de Code pénal esou eng Diskriminatioun ënner Strof stellt, gëtt et awer ëmmer nees Ausnahmen. Eng konkret Ausnam schéngt verschidde Glawensgemeinschaften ze sinn.

Opgrond vun der Reliounsfräiheet ginn nach ëmmer Persounen vu Glawensgemeinschaften an deenen unhängenden Institutiounen diskriminéiert, ouni dass dës juristesche Konsequenzen hätt. Ee rezent Beispill fënnt sech a Bayern, wou eng Persoun wéinst enger Foto mat engem bekannten homosexuelle Mann, déi op Social Media gedeelt gouf, aus der Paschtouesch-Schoul ausgeschloss gouf.

Zu Lëtzebuerg huet den Centre Jean XXIII – Grand Séminaire, deen Ausbildungen zum Paschtouer ubidd, tëscht 2018 an 2021 615'000€ Ennstëtzung vum Staat kritt.

An deem Zesammenhang wéilt ech de Ministeren dës Froe stellen:

1. Geif esou ee Fall wéi a Bayern vun der Regierung toleréiert ginn? Hätt dës een Afloss op d'Conventioun mam Centre Jean XXIII ?
2. Wéi schützt d'Regierung virun allem eis jonk Biergerinnen a Bierger virun den deels LGBTIQ\*-feindleche Messagë vu verschiddene Glawensgemeinschaften ?



[www.piraten.lu](http://www.piraten.lu)

Mat déiwem Respekt,

A handwritten signature in black ink, consisting of several fluid, overlapping strokes that form a stylized representation of the name 'GOERGEN'.

GOERGEN Marc  
Député



[www.piraten.lu](http://www.piraten.lu)